

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
GRADSKO VIJEĆE**

**Broj: 01-45-7858 /21**

\*\*\*\*\*  
**ZAPISNIK  
SA OSME SJEDNICE  
GRADSKOG VIJEĆA ZENICA  
održane 08. aprila 2021. godine**  
\*\*\*\*\*

**april, 2021. godine**

## **Zapisnik sa 8. sjednice Gradskog vijeća Zenica, održane dana 08.04.2021. godine**

Sjednica je počela s radom u 10.00 sati.

Sjednicom je predsjedavao Almir Babajić, predsjedavajući Gradskog vijeća.

Na početku sjednice predsjedavajući Vijeća konstatovao je da sjednici prisustvuje 25 vijećnika čime su se stekli uslovi za punovažno odlučivanje. Odsustvo sa današnje sjednice najavili su vijećnici Emina Tufekčić, Sanjin Aldobašić i Osman Mehinagić, dok je kašnjenje na sjednicu najavio vijećnik Faruk Hodžić.

Prije izjašnjavanja o Prijedlogu Dnevnog reda za 8. sjednicu Vijeća, na traženje predsjedavajućeg Vijeća vijećnici su se izjasnili o Prijedlogu Odluke o izmjeni i dopuni Plana korištenja javnih površina za 2021. godinu, predloženog kao dopuna prijedloga dnevnog reda, te isti usvojili sa 25 glasova „ZA“, bez glasova „PROTIV“ i bez glasova „UZDRŽAN“.

Predsjedavajući Vijeća zatim je pročitao Prijedlog Dnevnog reda za 8. sjednicu Vijeća kako slijedi:

1. Zapisnik sa 7. sjednice Gradskog vijeća, održane dana 22.02.2021. godine
2. Vijećnička pitanja i inicijative
  3. a) Osnove programa i politike Gradonačelnika u mandatu 2020. – 2024. godine  
b) Plan implementacije projekata u 2021. godini u skladu sa Strategijom razvoja Grada Zenica za period 2012-2022. godine
  4. a) Informacija o realizaciji podsticajnih mjera za unapređenje privrede za 2019. godinu na području Grada Zenica  
b) Program mjera za utrošak podsticajnih sredstava u oblasti privrede za 2021. godinu na području Grada Zenica
  5. a) Nacrt Odluke o usvajanju izmjena i dopuna Regulacionog plana „Centar Nemila“ (skraćeni postupak) i upućivanja na javni uvid i javnu raspravu  
b) Nacrt Odluke o izmjenama i dopunama Odluke o provođenju Regulacionog plana „Centar Nemila“
  6. a) Nacrt Odluke o usvajanju izmjena i dopuna Regulacionog plana „Mokušnice“ (skraćeni postupak) i upućivanja na javni uvid i javnu raspravu  
b) Nacrt Odluke o izmjenama i dopunama Odluke o provođenju Regulacionog plana „Mokušnice“
7. Prijedlog Plana ulaganja u putnu infrastrukturu za 2021. godinu
8. Prijedlog Plana ulaganja u oblasti vodoprivrede za 2021. godinu
9. Prijedlog Odluke o utvrđivanju prosječne konačne građevinske cijene 1m<sup>2</sup> korisne stambene površine na području Grada Zenica
10. Izvještaj o radu Gradske narodne kuhinje u Zenici za 2020. godinu
11. Prijedlog Rješenja o imenovanju dva člana Izborne komisije Grada Zenica
12. Inicijativa o preimenovanju Kamberovića mosta u „Most žrtava genocida u Srebrenici“ sa Prijedlogom Rješenja
13. Prijedlog Odluke o izmjeni i dopuni Plana korištenja javnih površina na području Grada Zenica za 2021. godinu.

Predsjedavajući Vijeća zatražio je od vijećnika da se izjasne o predloženom dnevnom redu.

Za riječ se javio vijećnik Vernes Menzilović i predložio da se tačka 12. povuče uz obrazloženje da se radi o inicijativi koja je ishitrena, jer nije konsultovana struka, te da je potrebno iznaći neko bolje rješenje za realizaciju iste.

Predlagač inicijative vijećnik Malik Ejubović ostao je pri prijedlogu inicijative napomenuvši da je prijedlog inicijative uvršten u prijedlog dnevnog reda, prošao amandmansku proceduru i dobio pozitivno mišljenje komisije. Pojasnio je da je most bio praktičniji prijedlog u odnosu na ulicu ili trg jer građani ne bi morali mijenjati podatke o prebivalištu.

Predsjedavajući Vijeća kazao je da preuzima odgovornost, zajedno s Radnim predsjedništvom, zbog toga što je inicijativa uvrštena u prijedlog dnevnog reda bez konsultovanja struke, pritom naglasivši da je stava da nema tabu tema, te da se o svim prijedlozima koji se dostavljaju Vijeću na razmatranje treba diskutovati.

Na traženje predsjedavajućeg Vijeća vijećnici su se najprije izjasnili o prijedlogu vijećnika Vernesa Menzilovića o povlačenju tačke 12. i isti nisu usvojili sa 12 glasova „ZA“, 8 glasova „PROTIV“ i 2 glasa „UZDRŽAN“, a nakon toga izjasnili su se o pročitanoj prijedlogu dnevnog reda za 8. sjednicu Vijeća i isti usvojili sa 26 glasova „ZA“, bez glasova „PROTIV“ i bez glasova „UZDRŽAN“.

#### **Tačka 1.**

#### **Zapisnik sa 7. sjednice Gradskog vijeća Zenica, održane 22.02.2021. godine**

Zapisnik, na koji nije bilo primjedbi, usvojen je jednoglasno sa 26 glasova „ZA“, bez glasova „PROTIV“ i bez glasova „UZDRŽAN“.

#### **Tačka 2.**

#### **Vijećnička pitanja i inicijative**

Vijećnička pitanja postavili su i vijećničke inicijative podnijeli vijećnici: Kenan Uzunović, Elvir Purić, Aida Halać, Denan Pašalić, Halil Arnaut, Adnan Šut, Kenan Alispahić, Mirzet Skopljak, Vernes Menzilović, Malik Ejubović, Elvis Alijagić, Ekrem Tuka, Nermin Mehić, Albin Ćatić, Mahdi Alić, Zelda Dizdarević, Ibrahim Šišić, Šerif Patković, Almir Babajić i Mirza Husetić.

Vijećnik Kenan Uzunović postavio je dva vijećnička pitanja : 1. Kada će doći do rekonstrukcije ulice Masarykova i da li bi se u roku od mjesec dana mogla održati tematska sjednica Vijeća na temu stanje gradskih ulica? Drugo pitanje vijećnik Kenan Uzunović postavio je menadžmentu JP „Grijanje“ d.o.o. Zenica i zatražio dostavljanje odgovora u pisanoj formi u roku 7 dana. Pitanjem se tražilo pojašnjenje iz kojeg razloga na 10 stepeni građani imaju grijanje i moraju otvarati prozore, a na nula stepeni se grijanje gasi. Da li je problem u JP „Grijanje“ ili je do „Arcelor Mittala“? Na prvo vijećničko pitanje vijećnika Kenana Uzunovića odgovorila je Sabira Helvida, pomoćnica Gradonačelnika za ekologiju, komunalne poslove i mjesne zajednice. Vijećnik Elvir Purić postavio je dva vijećnička pitanja. Prvo pitanje postavljeno je Gradonačelniku i Službi za ekologiju, komunalne poslove i mjesne zajednice, na zahtjev grupe mještana mjesnih zajednica Gladovići, Koprivna i Ponirak, i odnosilo se na zahtjev da se kod investitora i izvođača radova na ovoj poddionici Koridora Vc insistira na poštivanju potpisanog Sporazuma o prijateljskom okruženju, uz obrazloženje da se put kojim prolazi teška mehanizacija nalazi u katastrofalnom stanju, s obzirom da se ne krpe udarne rupe, a materijal koji se prosipa po putu ne čisti ili se to čini veoma rijetko, zbog čega građani trpe štete na privatnim automobilima. Drugo pitanje vijećnika Elvira Purića, postavljeno Službi za ekologiju, komunalne poslove i mjesne zajednice odnosilo se na rekonstrukciju dijela puta Nemila-Orahovica, odnosno mosta na ovom dijelu puta koji je oštećen u poplavama i klizištima i kojim se trenutno saobraćaj odvija jednom trakom. Vijećnica Aida Halać postavila je vijećničko

pitanje svim javnim preduzećima i javnim ustanovama kojim se traži dostavljanje informacija o izdavanju poslovnih prostora koje glasi: „Da li imate poslovne prostore koje iznajmljujete? Ako imate, koji su to prostori, koje lokacije, koja kvadratura i po kojim cijenama vršite uslugu izdavanja? Na koji način ste formulisali cijene za izdavanje? Da li ste pratili lokaciju, tržišnu vrijednost kvadrata, da li ste provodili javni poziv ili licitaciju u nastojanju da obezbijedite što veću cijenu, da li se taj postupak provodio komisijski i da li postoje pravilnici kojima ste definisali sam postupak?“ Vijećnik Alen Kapković podnio je inicijativu za postavljanje kanti za odlaganje otpada duž ulice Patriotske lige u centru Nemile. Vijećnik Denan Pašalić postavio je vijećničko pitanje kojim je tražio od JP za upravljanje i održavanje sportskih objekata d.o.o. Zenica da mu dostave odgovore na vijećnička pitanja postavljena na ranijim sjednicama. Vijećnik Halil Arnaut podnio je dvije vijećničke inicijative. Prvom inicijativom predloženo je postavljanje saobraćajnog ogledala na skretanju za naselje Vukovići u MZ „Donje Babino“, te na skretanju za naselje Polja u MZ „Arnauti“. Drugom inicijativom, predlaže se Kabinetu Gradonačelnika, Službi za boračko-invalidsku i socijalnu zaštitu, stambene poslove i društvene djelatnosti, Službi za privredu i upravljanje razvojem i Zeničkoj razvojnoj agenciji „ZEDA“ da koordinirano iznađu sistemski model zapošljavanja štitenika Javne ustanove „Dom-porodica“ Zenica koji po rješenju JU Centar za socijalni rad napuštaju Dom po sticanju punoljetstva, odnosno završetku školovanja. Vijećnik Adnan Šut podnio je vijećničku inicijativu za izgradnju odvodnog kanala i rješavanje oborinskih voda na lokalnom putu Zenica - Smetovi. Vijećnik Kenan Alispahić podnio je inicijativu za isticanje velikih državnih zastava zajedno sa grbom grada unutar kružnih tokova i na banderama, postavljanje velikog jarbola državne zastave na Zmajevcu, koji bi bio vidljiv iz cijelog grada, te da sjednice Gradskog vijeća počinju intoniranjem državne himne. Vijećnik Mirzet Skopljak podnio je inicijativu za utvrđivanje javnog interesa na parceli u mjestu Borovine, MZ „Vrselje“, broj parcele k.č. 1904, u svrhu legalizacije postojećeg boračkog doma i nastavka izgradnje istog. Vijećnik Vernes Menzilović postavio je dva vijećnička pitanja. Prvo pitanje postavljeno je Službi za ekologiju, komunalne poslove i mjesne zajednice i odnosilo se na sanaciju klizišta na putu u MZ „Bistrica“: „Interesuje me da li je izvršena inženjersko - geološka prospekcija i kada bi moglo doći barem do privremene sanacije puta? Drugo pitanje odnosilo se na Službu za boračko-invalidsku i socijalnu zaštitu, stambene poslove i društvene djelatnosti i isto glasi: „Ko je nadležan za organizaciju obilježavanja značajnih datuma i događaja za Grad Zenicu? Da li postoji neki sektor koji bi mi mogao izaći u susret prilikom organizacije ovih događaja“, uz obrazloženje da je kao predsjednik Komisije za obilježavanje značajnih datuma, događaja i ličnosti, obilježavanje određenih manifestacija pokušao da organizuje u koordinaciji s navedenom Službom od koje nije dobio ni tehnički, ni bilo koji drugi vid pomoći prilikom organizacije istih. Vijećnik Malik Ejubović na prijedloge građana podnio je dvije inicijative Gradonačelniku i JU Predškolski odgoj i obrazovanje: 1. za analizu mogućnosti uspostavljanja javnog obdaništa u naselju Crkvice i 2. za analizu mogućnosti uspostavljanja obdaništa u većim prigradskim i ruralnim sredinama. Vijećnik Elvis Alijagić podnio je dvije inicijative: 1. za pomoć privatnim vrtićima u obezbjeđenju zaštitne opreme i velike količine dezinfekcionih sredstava s ciljem zaštite zdravlja djece i uposlenih i 2. za asfaltiranje glavnog puta prema Orahovici u dužini cca 1200m. Vijećnik Ekrem Tuka postavio je pitanje nadležnoj službi i Kantonalnoj upravi za šumarstvo ZDK kojim se traži od Kantonalne uprave za šumarstvo dostavljanje Izvještaja o stanju šuma na području Grada Zenica sa tačnim informacijama o tome koliko je šuma bespravno uništeno, ko uništava šume, koliko je podneseno prijava protiv lica koja to čine, koliko i koje površine su pošumljene itd., i sve druge informacije koje su od značaja za poduzimanje mjera i aktivnosti na zaštiti šuma na području Grada Zenica. Vijećnička inicijativa vijećnika Ekrema Tuke odnosila se na rješavanje problema stanara u ul. Zije Dizdarevića u Blatuši zbog dječjeg igrališta izgrađenog na zelenoj površini u neposrednoj blizini zgrada na kojem se danju okupljaju djeca, a u večernjim satima stariji maloljetnici narušavajući kućni red i mir stanara. Vijećnik Nermin Mehić podnio je inicijativu direktoru JP „Grijanje“ d.o.o. Zenica za dovođenje linije gradskog grijanja u Lukovom

Polju do boračke zgrade Lamela „A“ i ostale tri B, C i D u kojima također žive pripadnici boračke populacije. Vijećnik Albin Čatić postavio je vijećničko pitanje koje se odnosilo na privremeni priključak bespravno izgrađenih objekata na elektrodistributivnu mrežu za objekte koji su u postupku legalizacije i isto glasi: „Da li je moguće u Uvjerenje koje izdaje Služba za urbanizam Grada Zenica ubaciti pasus „Zakon o električnoj energiji u F BiH po članu 68. Privremeno priključenje“. Na pitanje vijećnika Albina Čatića odgovorio je Gradonačelnik. Vijećnik Mahdi Alić podnio je inicijativu za izgradnju javne rasvjete na dijelu Ul. Fuada efendije Subašića iza OŠ „Hasan Kikić“. Gradonačelnik je upoznao vijećnike i javnost u kojoj fazi je tender za javnu rasvjetu. Vijećnica Zeld Dizdarević postavila je vijećničko pitanje vezano za nastavak realizacije projekta uspostavljanja ambulate za nepokretne i slabo pokretne osobe u MZ Lokvine na koje je odgovorio Gradonačelnik, te pitanje za Ministarstvo za obrazovanje, nauku, kulturu i sport ZDK: Kada će se objaviti konkurs za stipendije u akademskoj 2020/2021. i da li će doći do povećanja stipendija? Vijećnik Ibrahim Šišić postavio je vijećničko pitanje koje se odnosilo na problem prestanka grijanja. Vijećnik Šerif Patković postavio je pitanje predsjedavajućem Vijeća: „Kada će inicijativa za osiguranje sredstava za pravnu pomoć optuženim i osumnjičenim pripadnicima Armije doći na dnevni red i da li će uopšte doći na dnevni red?“ Na postavljeno pitanje odgovorili su Predsjedavajući Vijeća i Gradonačelnik. Predsjedavajući Vijeća podnio je inicijativu Gradonačelniku, Službi za imovinsko-pravne, geodetske poslove i katastar nekretnina, Službi za urbanizam i Službi za ekologiju, komunalne poslove i mjesne zajednice za uspostavljanje katastra komunalnih uređaja u Gradu Zenica. Vijećnik Mirza Husetić podnio je inicijativu za zakazivanje hitne tematske sjednice Gradskog vijeća o situaciji u Gradu Zenica, u vezi novonastale higijensko-epidemiološke situacije i pogoršanja stanja uz poziv Ministarstvu zdravstva, Institutu za zdravlje i sigurnost hrane, KB Zenica, Domu zdravlja Zenica, Zavodu zdravstvenog osiguranja ZDK, da dođu na hitnu sjednicu i učestvuju u raspravi s ciljem upoznavanja građana o stanju u Gradu Zenica i preduzimanja daljih aktivnosti.

Vijećnik Osman Šuvalić obratio se prisutnima povodom Svjetskog dana Roma koji se obilježava 8. aprila, a nakon toga svim pripadnicima romske populacije i dobrim ljudima čestitao navedeni praznik.

Gradonačelnik je predložio vijećnicima da u 12.00 sati naprave pauzu u radu i zajedno sa Gradonačelnikom prisustvuju otkrivanju replike Bilinopoljske izjave u Parku Kulina bana.

Po završetku druge tačke dnevnog reda predsjedavajući Vijeća je u 12.00 sati saopštio pauzu u trajanju pola sata.

**NAPOMENA:** Vijećnička pitanja i inicijative podneseni u pisanoj formi, dostavljaju se u prilogu dostavnih akata, koji se od strane Stručne službe Gradskog vijeća upućuju nadležnim gradskim službama i drugim subjektima, radi vjerodostojnosti postavljenog vijećničkog pitanja, odnosno podnesene inicijative.

Nakon pauze, a prije prelaska na tačku 3. dnevnog reda, predsjedavajući Vijeća pročitao je Izvještaj Etičke komisije u dijelu koji se odnosi na prisustvo vijećnika i napuštanje sjednica Vijeća.

### **Tačka 3.**

- a) Osnove programa i politike Gradonačelnika u mandatu 2020. – 2024. godine**
- b) Plan implementacije projekata u 2021. godini u skladu sa Strategijom razvoja Grada Zenica za period 2012-2022. godina**

Uvodne napomene za tačku 3.a) podnio je Selver Keleštura, Sekretar Gradske uprave. U raspravi o Osnovama programa i politike Gradonačelnika u mandatu 2020. – 2024. godine učestvovali su vijećnici: Malik Ejubović, Ibrahim Šišić, Ekrem Tuka, Kenan Uzunović i Nermin Mehić. U raspravi je učestvovao Fuad Kasumović, gradonačelnik Grada Zenica.

Uvodne napomene za tačku 3.b) podnijela je Amra Mehmedić, pomoćnica Gradonačelnika za privredu i upravljanje razvojem.

U raspravi su učestvovali vijećnici: Kenan Uzunović i Alen Kapković.

Po zaključenju rasprave vijećnici su se na traženje predsjedavajućeg Vijeća izjasnili o tački 3. dnevnog reda i sa 18 glasova „ZA“, 1 glasom „PROTIV“ i 2 glasa „UZDRŽAN“ usvojili Osnove programa i politike Gradonačelnika u mandatu 2020. – 2024. godine i Plan implementacije projekata u 2021. godini u skladu sa Strategijom razvoja Grada Zenica za period 2012-2022. godina.

#### **Tačka 4.**

- a) Informacija o realizaciji podsticajnih mjera za unapređenje privrede za 2019. godinu na području Grada Zenica**
- b) Program mjera za utrošak podsticajnih sredstava u oblasti privrede za 2021. godinu na području Grada Zenica**

Uvodne napomene za ovu tačku dnevnog reda podnijela je Amra Mehmedić, pomoćnica Gradonačelnika za privredu i upravljanje razvojem.

U diskusiji o podtački b) učestvovali su vijećnik Malik Ejubović i Amra Mehmedić, pomoćnica Gradonačelnika za privredu i upravljanje razvojem.

Po zaključenju rasprave vijećnici su na traženje predsjedavajućeg Vijeća izjasnili prvo o Informaciji o realizaciji podsticajnih mjera za unapređenje privrede za 2019. godinu na području Grada Zenica i istu primili k znanju sa 22 glasa „ZA“, bez glasova „PROTIV“ i bez glasova „UZDRŽAN“ (jednoglasno), a zatim o Programu mjera za utrošak podsticajnih sredstava u oblasti privrede za 2021. godinu na području Grada Zenica i isti usvojili sa 22 glasa „ZA“, bez glasova „PROTIV“ i bez glasova „UZDRŽAN“ (jednoglasno).

#### **Tačka 5.**

- a) Nacrt Odluke o usvajanju izmjena i dopuna Regulacionog plana „Centar Nemila“ (skraćeni postupak) i upućivanja na javni uvid i javnu raspravu**
- b) Nacrt Odluke o izmjenama i dopunama Odluke o provođenju Regulacionog plana „Centar Nemila“**

Uvodne napomene za ovu tačku dnevnog reda podnijele su Bojana Primorac, pomoćnica Gradonačelnika za urbanizam i Lejla Brljevac, direktorica JP za prostorno planiranje i uređenje grada „Zenica“ d.o.o. Zenica, koja je vijećnicima na grafičkom prikazu pokazala i pojasnila u čemu se sastoje planirane izmjene i dopune RP „Centar Nemila“.

Za riječ se javio vijećnik Alen Kapković i dao kraći komentar u vezi s predviđenim izmjenama i inicijativom koju je predložio na ovoj sjednici.

Na traženje predsjedavajućeg Vijeća vijećnici su se izjasnili glasanjem o Nacrtu Odluke o usvajanju izmjena i dopuna Regulacionog plana „Centar Nemila“ (skraćeni postupak) i upućivanja na javni uvid i javnu raspravu i isti usvojili sa 22 glasa „ZA“, bez glasova

„PROTIV“ i bez glasova „UZDRŽAN“ (jednoglasno), a zatim o Nacrtu Odluke o izmjenama i dopunama Odluke o provođenju Regulacionog plana „Centar Nemila“ i isti usvojili sa 22 glasa „ZA“, bez glasova „PROTIV“ i bez glasova „UZDRŽAN“ (jednoglasno).

#### **Tačka 6.**

- a) Nacrt Odluke o usvajanju izmjena i dopuna Regulacionog plana „Mokušnice“ (skraćeni postupak) i upućivanja na javni uvid i javnu raspravu**
- b) Nacrt Odluke o izmjenama i dopunama Odluke o provođenju Regulacionog plana „Mokušnice“**

Uvodne napomene za ovu tačku dnevnog reda podnijele su Bojana Primorac, pomoćnica Gradonačelnika za urbanizam i Lejla Brljevac, direktorica JP za prostorno planiranje i uređenje grada „Zenica“ d.o.o. Zenica, koja je vijećnicima na grafičkom prikazu pokazala i pojasnila u čemu se sastoje planirane izmjene i dopune RP „Mokušnice“.

U raspravi o ovoj tački dnevnog reda niko nije učestvovao.

Vijećnici su se najprije izjasnili o Nacrtu Odluke o usvajanju izmjena i dopuna Regulacionog plana „Mokušnice“ (skraćeni postupak) i upućivanja na javni uvid i javnu raspravu i isti usvojili sa 16 glasova „ZA“, bez glasova „PROTIV“ i sa 6 glasova „UZDRŽAN“, a zatim o Nacrtu Odluke o izmjenama i dopunama Odluke o provođenju Regulacionog plana „Mokušnice“ i isti usvojili sa 16 glasova „ZA“, bez glasova „PROTIV“ i sa 6 glasova „UZDRŽAN“.

#### **Tačka 7.**

##### **Prijedlog Plana ulaganja u putnu infrastrukturu za 2021. godinu**

Uvodne napomene za ovu tačku dnevnog reda podnijela je Sabira Helvida, pomoćnica Gradonačelnika za ekologiju, komunalne poslove i mjesne zajednice.

U raspravi su učestvovali vijećnici: Elvis Alijagić, Malik Ejubović, Kenan Uzunović, Aida Halać, Denan Pašalić, Ekrem Tuka, Nermin Mehić i Almir Babajić, predsjedavajući Vijeća.

Vijećnici su bili saglasni da je potrebno donijeti strateški, planski dokument po pitanju rekonstrukcije gradskih ulica, te održati tematsku sjednicu na kojoj će resorna služba vijećnicima prezentovati kategorizaciju cesta na području Grada Zenica.

U raspravi su učestvovali Gradonačelnik i Sabira Helvida, pomoćnica Gradonačelnika za ekologiju, komunalne poslove i mjesne zajednice dajući određena pojašnjenja i odgovore na pitanja vijećnika učesnika u raspravi.

Vijećnik Nermin Mehić, u svojstvu predsjednika Komisije za prostorno planiranje i ekologiju pročitao je stav Komisije.

Po zaključenju rasprave vijećnici su se na traženje predsjedavajućeg Vijeća izjasnili o Prijedlogu Plana ulaganja u putnu infrastrukturu za 2021. godinu i isti usvojili sa 23 glasa „ZA“, bez glasova „PROTIV“ i sa 2 glasa „UZDRŽAN“.

U 15.00 predsjedavajući Vijeća saopštio je pauzu za ručak u trajanju do 16.00 sati.

## **Tačka 8.**

### **Prijedlog Plana ulaganja u oblasti vodoprivrede za 2021. godinu**

Uvodne napomene za ovu tačku dnevnog reda podnijela je Sabira Helvida, pomoćnica Gradonačelnika za ekologiju, komunalne poslove i mjesne zajednice.

U raspravi o ovoj tački dnevnog reda učestvovali su vijećnici: Namir Škaljo, Nermin Mehić, Malik Ejubović, Ekrem Tuka, Mahdi Alić i Denan Pašalić.

U raspravi su učestvovali Gradonačelnik i Sabira Helvida, pomoćnica Gradonačelnika za ekologiju, komunalne poslove i mjesne zajednice, dajući određena pojašnjenja i odgovore na pitanja vijećnika.

Gradonačelnik je predložio donošenje sljedećih zaključaka:

**I** - Gradsko vijeće Zenica zahtijeva od Ministarstva za poljoprivredu, šumarstvo i vodoprivredu Zeničko-dobojskog kantona da Gradskom vijeću Zenica dostavi informaciju koliko je u Gradu Zenica po osnovu vodnih naknada prikupljeno sredstava u posljednjih deset godina, a koliko je u istom periodu u Gradu Zenica realizovano projekata iz vodnih naknada i u kojem iznosu.

**II** - Upućuje se inicijativa Vladi Zeničko-dobojskog kantona i Ministarstvu za poljoprivredu, šumarstvo i vodoprivredu Zeničko-dobojskog kantona za izradu preciznih kriterija za raspodjelu sredstava prikupljenih po osnovu vodnih naknada koja će biti raspoređena općinama/gradovima u kantonu.

Po zaključenju rasprave, vijećnici su se najprije izjasnili o Prijedlogu Plana ulaganja u oblasti vodoprivrede za 2021. godinu i isti usvojili sa 22 glasa „ZA“, bez glasova „PROTIV“ i bez glasova „UZDRŽAN“.

Potom su se vijećnici izjasnili o predloženim zaključcima Gradonačelnika i iste usvojili sa 22 glasa „ZA“, bez glasova „PROTIV“ i bez glasova „UZDRŽAN“.

## **Tačka 9.**

### **Prijedlog Odluke o utvrđivanju prosječne konačne građevinske cijene 1m<sup>2</sup> korisne stambene površine na području Grada Zenica**

Uvodne napomene za ovu tačku dnevnog reda podnijeli su Bojana Primorac, pomoćnica Gradonačelnika za urbanizam i Fuad Kasumović, Gradonačelnik Grada Zenica.

U raspravi su učestvovali vijećnici Malik Ejubović i Almir Babajić, predsjedavajući Vijeća.

Po zaključenju rasprave vijećnici su se izjasnili glasanjem o ovoj tački dnevnog reda i istu usvojili sa 19 glasova „ZA“, bez glasova „PROTIV“ i sa 3 glasa „UZDRŽAN“.

## **Tačka 10.**

### **Izvještaj o radu Gradske narodne kuhinje u Zenici za 2020. godinu**

Nije bilo potrebe za uvodnim napomenama.

Izvještaj Komisije za boračko-invalidsku i socijalnu zaštitu, stambene poslove i društvene djelatnosti dostavljen je pred sjednicu.



Vijećnici su sa 22 glasa „ZA“, bez glasova „PROTIV“ i bez glasova „UZDRŽAN“ usvojili Izvještaj o radu Gradske narodne kuhinje u Zenici za 2020. godinu.

#### **Tačka 11.**

##### **Prijedlog Rješenja o imenovanju dva člana Izborne komisije Grada Zenica**

Uvodne napomene za ovu tačku dnevnog reda podnio je Kenan Uzunović, predsjednik Komisije za izbor i imenovanja. Gradonačelnik se javio za riječ i dao određena dodatna pojašnjenja.

U raspravi o ovoj tački dnevnog reda niko nije učestvovao.

Vijećnici su sa 18 glasova „ZA“, bez glasova „PROTIV“ i sa 3 glasa „UZDRŽAN“ usvojili Prijedlog Rješenja o imenovanju dva člana Izborne komisije Grada Zenica.

#### **Tačka 12.**

##### **Inicijativa o preimenovanju Kamberovića mosta u „Most žrtava genocida u Srebrenici“ sa Prijedlogom Rješenja**

Uvodne napomene za ovu tačku dnevnog reda podnio je vijećnik Malik Ejubović, u svojstvu predlagача.

U raspravi o ovoj tački dnevnog reda učestvovali su vijećnici: Kenan Uzunović, Elvis Alijagić, Vernes Menzilović, Namir Škaljo, Semir Huseinović, Ekrem Tuka, Almir Babajić i Mahdi Alić.

U raspravi je učestvovao Gradonačelnik.

U 17.43 sati predsjedavajući Vijeća, na zahtjev Kluba vijećnika Zenička inicijativa – Kasumović Fuad, saopštio je pauzu u trajanju pet minuta radi konsultacija klubova vijećnika.

Nakon pauze predsjedavajući Vijeća pročitao je usaglašeni prijedlog zaključka:

I - Usvaja se inicijativa vijećnika Malika Ejubovića za preimenovanje jedne od građevina ili izgradnju spomen-obilježja u Gradu Zenica za žrtve genocida u Srebrenici.

II - Zadužuje se Služba za boračko-invalidsku i socijalnu zaštitu, stambene poslove i društvene djelatnosti da u saradnji sa Službom za urbanizam, JP za prostorno planiranje i uređenje grada “Zenica” d.o.o. Zenica i JU Muzej Grada Zenice, Gradskom vijeću Zenica do 31. maja 2021. godine dostavi lokaciju i idejno rješenje spomen-obilježja žrtvama genocida u Srebrenici.

III - Zadužuje se Služba za boračko-invalidsku i socijalnu zaštitu, stambene poslove i društvene djelatnosti da izradi i Vijeću dostavi prijedlog procedura i pravilnika za Grad Zenica po kojem će se ubuduće razmatrati inicijative o promjeni naziva ulica, trgova, mostova i dr. u Gradu Zenica.

Vijećnicima su se zatim obratili Gradonačelnik i Sumea Mujkanović, pomoćnica Gradonačelnika za boračko-invalidsku i socijalnu zaštitu, stambene poslove i društvene djelatnosti nakon čijeg su se obraćanja vijećnici, na traženje predsjedavajućeg Vijeća, izjasnili glasanjem o pročitanoj prijedlogu zaključka i isti usvojili sa 22 glasa „ZA“, bez glasova „PROTIV“ i bez glasova „UZDRŽAN“.

**Tačka 13.****Prijedlog Odluke o izmjeni i dopuni Plana korištenja javnih površina na području Grada Zenica za 2021. godinu**

Nije bilo potrebe za uvodnim napomenama.

Gradonačelnik se javio za riječ i dao određena pojašnjenja.

U raspravi o ovoj tački dnevnog reda niko nije učestvovao.

Vijećnici su sa 22 glasa „ZA“, bez glasova „PROTIV“ i bez glasova „UZDRŽAN“ (jednoglasno) usvojili Prijedlog Odluke o izmjeni i dopuni Plana korištenja javnih površina na području Grada Zenica za 2021. godinu.

Sjednica Gradskog vijeća je zaključena i završila s radom u 16.15 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.

PREDSEDavajući  
GRADSKOG VIJEĆA

Almir Babajić